

НОВИ РУСКИ НОВИНИ

ЗА РУСИНОХ У КРАЛЪОВИНИ СХС

Виходза раз у тижню.
Цена на цали рок 100 Динари.
На 1/2 рока 50 Динари.
За Америку 4 долари на рок
Рукописи и други писма треба
посилац на адресу:
„РУСКИ НОВИНИ“ НОВИ САД
Бојовићева улица број 2.
Претплату на РУСКЕ-НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Рок IV. | Нови Сад, пятък 28. октобар 1927. | Ч. 42 (149)

Нашим предплатніком!

Модліме шицких наших предплатнікох, котри ище не намирели својо длуство за нашо новини, най то дораз зроби. Не забудме, же ше нашо новини отримую єдино зос предплату свидомих и просвищених Русинох! Пенезж послац на Руске Просвитне Дружтво Руски-Крстур (Бачка).
Управа Р. Н.

У нашом отечеству

Политическе положеніе

Опозиционални странки Радич, Прибичевич и земљорадничкох зложели ше и основали єден блок, котрого презвали Демократически блок. Вони поволали и Давидовичевих демократох, да ше им придруже и да им даю одвит на воторок, кед вони буду тримац засиданіе. Медзитим министри демократскей партії немаю дзеку да єдступя од нешкайшого својого положенія їх помагаю и муслимане. Крем того радикали понуцели на тельо, же 33 места среских начальничкох пуца демократом. Давидович ше з тим задоволен и не остав на далей упарти, же да ше напуци влада. Кед би ше Демократи подзелели инак би влада була у векшињи.

Моровки у Сараєву

Явели зме уж, же ше у Загребу дзеци похорели на опасну хороту моровки. Тераз приходза висти, же у Сараєву и Цетиню пре моровки даєдни школи мушели ше заврец, бо було вецей смертельни случаї.

Засиданіе катол. владикох

Прешлого тижня отримало ше у Загребу засиданіе катол. владикох зос цалей держави, котре тирвало цали тидзень. Радзели ше о велїх важних стварох, особено пак о добрим вихованю дзецох и народа.

Помоц пострадалим од суши

На засиданю министрох одредзено, да ше як перша помоц пострадалим од суши дарує 10 милиони дин. На першим месце достане Херцеговина, Далмація и краї, котри найбаржей пострадали.

Трешене жеми у Сриме

Тих дньох сбачело ше у Сриме легке трешене жеми. Наймоцнейше було при Винковцох и Иванкову.

Умар сербски списатель

Сербски списатель Бора Станкович умар по длугой хороти и В недзелю у Београду бул торжественно похованн. Од його кнїжкох, цо их написал найбаржей позната „Контан“, актовка зос народного живота.

Влапени шверцер

На железницькей стациї у Старей Пазови влапени якиш Йоан Перхер опасни крадош и шверцер. Вон ше вожел у вагону трецей класи и под лавку скрил вецей пакети. Финансовей контроли було явено, же ше шверцує сахарин и кокаин у векших мирох та препатрели вагони и путничкох. У пакетох наисце и найдзени сахарин и кокаин. Випатра, же Перхер то шицко дзєнкаль украднул и сцел у Београду предац.

„Општински виберанки у Сриме“

Поштовани П. редакторе! На писанє под насловом „Општински виберанки у Сриме“ од друковане у ч. 40. (147) од 14. октобра 1927. на першим боку зос потписом Илько К., у хторим ше спомина мойо мєно и неистинито приказує мой живот и моя работа. Модлім на темелю § 26-27. закону о штампі од б./VIII. 1926. на истим месце и зос истим буквами даце друковац у одредзеним законским року того.

и младши вигласали своїх.

Кед по тим збачели старши, же то по догварки зробене и вони би на тот способ остали без заступника своїх интересох, и старши саставели другу листу чисто руску под моїм мєном и вибрали ме так як и число гласох гутори. 153 гласи було и при тим ніч не страчено. Листа младших достала 2 а старших 1. и старши задовољни. Так же питанє, хтора руска однада, бо и не правда, же би бул успех неочекивани бо таки успех Руснаци ище немали

Спростованє (Исправак)

1. Мнє не виберали людзе лєм тоти, цо су од мнє овисни, то неправда, але людзе цалком самостални, тоти хтори знали добре ценїц мою роботу за валал и за наших людзох без разлики хто цо бул, и на рачун того достал сом признанє.

3. Цо до тарговини з народом то певлуєм Илька К. да спор скорей звершимо, най принеше єден доказ у Руских Новинох зос мойї роботи як одборника на чкѡду Рускому народу и церкви. То я гоч як чешко за пенезжи приправни сом поклонїц, кед може дацо доказац, 10.000 дин. Рускей Просвити.

2. Обяшнєнє за гевтих, хтори руски прилики у Шиду незнаю да видза сами, хтора Руска листа права а хтора не. Ту ми руснаци подзелени на групи старших и младих.

4. А цо ше тиче „ганьби“. То я радзим Панови Илькови К. най меней гутори а вецей и лєпше роби та будзе йому меней ганьба а рускому народу векши хасен и стим кончим.

Младши зос Ильком К. на челу догварени поволали схадзку за састав листи при тайним гласаню. Так их була векшина бо старши слабо до школи ходза и не були догварени

П. Редакторе примце у верене мойого поштованя Яков Ерделї.

Нове осигуране ра- ботників.

Министер социјалней политики виробел нови провкт, по котрим ше на ново ушори организація за осигуране роботнікох. Даедни стари управи розпущені а и їх место вименовани нови.

Автомобилске не- щесце

На драже Требинь-Цетине преврацел ше еден автомобил, на котрим ше вожели торговци Лакич и Дулович. Шофер як и путовоци торговци остали на месце мертви.

Вл. Еделшнски:

Росплодзоване овоцох

Овоци росплодзую ше, наравно и уметно (штучно). Наравно ше росплодзую нашеним, а уметно: прутами, завальованем, вибоями и каламленем.

А. РОСПЛОДЗОВАНЕ НАШЕНИМ.

1. Винїмане и одкладане нашеня.

Овоци ше нашеним росплодзую прето, да ше одховаю нови файти, або да ше добие нужна подлога, на котри ше племенити файти пупча або каламя. Нашене овоцох най е здраве, клявие и цалком узрете. Нашене ше достава од яблукох и хрушкох, кед ше прави оцет, бере ше нашене.

Троп ше прошива на рошти, па вецка зос нашеним, дробни выпада, а векши остава на рошти. Достате ше нашене осуши, и одложи за ярне шаце. Дзепедни охабяю подинки овоци зос најлепшим плодом, па кед плод цалком узрети, бере ше и вецка реже за сушки, а зос цо осталих нашельнікох, бере ше нашене. Таке нашене дава најлепши дзивики.

Нашене дзивих овоцох, вельо лепше, як хевто од племенитих. Дзивики одховани зос нашени дзивих овоцох, отпорнейши су против жими и других злих хвилюх, як и против хорох, од хевтих зос нашени племенитих овоцох. Дзе возможно, най ше бере нашене дзивих овоцох. Добива ше исто

як и скорей писано Нашене ше не шеє накеди дозрее, але ше одклада за ярне шаце. Воно ше одклада до черенох, або ище лепше до ладичкох. Према тому, кельо хто ма нашени, таку бере и ладичку. Ладички могу буц 30—50 см, длугоки и 30 см. високи. До них ше положи најперше 2 см. влажно-го писку, а наньго заш 2 см. грубо нашени, а то так шорамми, док ладичка неполна. Остатні шор най е писок. После того ше ладичка забне и закопе 80 см. хлібоко до жими и чува ше до яри. Дакотри одкладаю нашене брескиньох, черешньох, шљивкох, кайсох, орехох, лісковоцох, до сцентових гордовикох, виполнети зос чарну гліну, премешану зос нашеним. Таки гордовики тримаю на цеплим месце, и дакеди залезу зос літну воду, па ше магочка роспадне до шаца, а нашене вибие клицу.

2. Жем за нашельниц- ство, и кеди ше шеє.

Нашельництво е фалат жемми, одредзеной за шаце нашени и одховане дзивикох. За нашельництво најприкладнейше, прсте и отворене место, але на згодним штретиве слупковитим месце.

Жем най е добра, рострусана, дакус влажна и 75 см. риголована, погноена узретим гліским гнопом, або гнопом мишаним.

Најприкладнейше време за

шаце вшені, тераз скорей або после, як уж дозрее дахторе нашене. У влажней ше жемми најлепше витрима нашене и најлегчейше ше розпада магочка. Нашене шате в вшені, виложено е вшеліяким неприликом, а особено го утаманя миши, па го ридко хто и шеє в вшені, але найвечей на яр. Кед ше нашене шеє на яр, нужно да вибие клицу, ище скорей шаца. То ше заш посцигне зос тим, да ше ладичка або гарчикок зос нашеним, положи до цеплей хижки да 14 дні скорей шаца а при тим ше залез зос літну воду. Зос тим поступком скорей вижене нашене клицу, а сама ше робота вола стратификація. Стратификація е особито за сухе место и жем, як и за старше нашене барс добра.

Кед е жем за шаце одредзена, прекопана, погноена, розд-

зелі ше на 120 см, широки градки, медзи хторима су 25 см. широки дражки. Нашене ведно зос писком або гліну най ше шеє до шорох. На градкох ше направя зос мотичку, попри шпарги 3—10 см. глібоки ярчки, и то према велічини нашени, до хторих ше нашене пошеє и загарне зос рострусовацу гліну, а ище лепше зос мишаним гнопом. Ярчки най су еден од другого 10 см. далеко, а шори най су крижом а не поздлуж градки. Зашате ше нашене закрие зос грапом або чернем, да го пташки, або други дяки неприятеле не розшпиртаю.

Мишаним гнопом або зос чарну гліну зато ше пошате нашене закрие, же лебше зійде, бо на обичней жемми после джиджу справи скоро, пре котру нашене чежко сходзи. (Далей будзе.)

ШИРОМ ШВЕТА

Нови вулкан

У јужноамериканскеј републики Чиле пребудзел ше на ново вулкан Лийма, за котрого ученици думали, же ше уж цалком умирел и вигаснул. Зос його пребудзеном идзе страховите трешене жими и руцане лави. Жителе околишних местох сцекаю.

Немци газдую з Русію

Позната ствар, же Немци укладаю свой капитал у Русію. Вони там будују фабрики и вельки торговни. Крем того немецки ученици и други званичници добре зарабяю у Русію а и у руским войску служба немецки офисире. Тото јавно припознал еден од комунистичких вождох Троцки. Вон виявал, же Русія стої под команду Берлина ягод и у царских часох.

Нови способ учения у нем. школах

У немецких школах запровадує ше нова метода учения. Док скорей у стари часи учело ше лем о принцох, царох и о их роботох, да ше граждане виховаю лем як їм подложни, о култури, праву человека, газдоваю не учело ше ніч. Тераз ше учи вешей о народу, о просвити, о култури а не о биткох и о царских збойничтох.

Нови закон за ро- ботнікох у Турскеј

Турски парламент вигласал нови закон за роботнікох. Роботне време одредзено 10 годзини на дзень док скорей робели од 8 рано па до 10 вечаром и то за малу плацу. На тот способ вельки фабрики вихасновали худобних роботнікох. Стане роботнікох у Турскеј

ФЕЛТОН

М. Ковач.

ВОЙНА

IV.

Румуньска 1./II. 1915.

Сибинь

Мили апочку!

..... Ту зме уж други тидзень. Було вельо раз таких биткох, же зме мушели сцекац по даскельо километри. Дакеди зме славно напредовали, уходзели до вельких варошох — але не своїх, бо були — одняти. Натрапели зме ше и гладу и смияду. Тераз нам кус лепше бо влада мали мир. Пред даскельо дні ище була така битка, же страх то и попатриц. Да вам то апо видзиц. Стоїме у „декунту“ и штреляме. Коло нас исто лем леца кульки. Кед нараз звалі ше еден,

звалі ше други и до мала готово шицки лежали мертви. Спандул и Штефан Кочиш. Закопал сом го кельо сом могол. Помоддел сом му ше над його гробом, на хторим була место крижа його шапка и пушка О, Боже! Да ше голем цо скорей звершиц сце тота война. Приповедаю, же цареве сцу мир. Бог би знал, чи будзе дацо з того. Модлице ше апо замне. Модлице ше апо за нас шицких.

* * *

Модлел ше оец... Кельо и кельо раз сом ишол вечаром з мацеру до церквочки, да на голих колесох попри шветлу кандила шпиваме: „Помилуй нас Господи, помилуй нас...“ тельо раз сом видзел погорбеного человека як у куту шептала молитву.

Мешаци уж прешли а оец не добивал од сина

ніякого гласа. Но ипак, ипак єдного дня добил писмо, хторе глашело

Апочку!

Як бим вас уж любел видзиц. Але непуца. Дзела штреляю, кульки як джидж падаю. Кто стане рано незва, чи ше на вечар медзи живима најдзе. Кто вечар легне незна, чи ше на рано пребудзи. Но оче не старайце ше за мене. Кед ме Бог очуваз до тераз, очува ме и од тераз. Но а же би сом ипак умар, вецка апочку — не плаче за мну. Подумайце апочку, же мушине шицки там пойсц, хтори скорей хтори познейше. На гейце апо, же не будзеце плакац. Лем вецей раз кед будзеце исц коло теметова сетице ше ме у молитви. Подумайце же сце мали сина, хтори вас любел, а мушел далеко, далеко дзешка за горами,

виложкиц свойо младе цело — враном.

Збогом апку!

Далей не було з його руку писане. Писал хтошка други:

Добри оче мойого пайташа!

Посилам Вам писмо Вашого сина, хторе писал на смергелней посцелі. Ваш син умар... не страше ше того мена, умар як прави християн, як прави војак.

Кагастрофа пришла Вам так. Того дня, кед вон спандул, була велька битка у леше. Гнали даскельо наших, медзи хторима бул и покойни Яким, — неприятеля.

То ишло чешко. Вельо наших падало, а неприятель кед видзел, же нашо слабнею, навалел моцнейше. Нараз ше звалел — Яким — Ваш син го спочатку не видзел, и аж кед преходзел коло нього, чул як

барз бидне, бо еден виучени роботник як н. пр. да еден ремесельник не зараба вецей од 200—300 динари а найвецей 900 динари мешачно.

Вельки процес у Паризу

Тих дньох започал пред державним судом у Паризу вельки процес против жида Самуила Шварцебарда, котри у марту мешацу 1926 року забил украинского хетьмана Симона Петлюру. За тот процес указуе ше вельке интересоване, особено у шицких руско-українских кругох.

Римски вопрос

У послїдни часи вельо ше бешедуе о так всланим „Римским вопросу“. Под тим ше ма розумиц самостойноц св. Оца Папи. Познато, же од нього талиянски фрамасунг одняли самостойну церковну державу, па би нешкайша влада сцела то поправниц на тот способ, же би и Папи загарантовала подполну самостойноц. кельо треба, же би вон могол управляц зос католическу церкву цалого швета.

Министер — монах

Прешлого штвартку прїятн до монашеского чину св. Венедикта у варошу Бриж бувши министр председатель хинескей републики Рене Рон Ценг Сянг. Присутни були кинески дипломати з Паризу, Брислу и Лисабону.

Япан препадне

Английски ученяк Др. Нобл вираховал, же Япан ше вше баржей звїжуе до мора пре части трешеня жеми, При ва-

рошу Йокохами спуццела ше жем на 200 до 1000 шухи. Кед так пойдзе и далей, теди о 10 тисачи роки препадне до моря тота красна жем.

Садзене гумових дrevкох

Познати америцки богач и фабрикант Автомобилох Форд закупел 4 милиоо акри поля у Бразилиї, на котрих сце посадиц дrevка, зос котрих ше достава гума.

Шаленство большевиких

Руски большевики уж так далеко пошли зос своєю мержню на шицко цо християнске, же розписали вельку награду томе, хто би видумал знак, яки ше постави на гробох место крижох.

Египетски краль у Паризу

Египетски краль Фуад служ бено пришол до Паризу, дзе бул торжественним способом прїяти од председателя републики од председателя влади. Його посищене ест и од политической важности.

Нова школска борба у Францускей

Познати неприятель катол. Церкви министр просвити Херрио виробел еден план за шицки основни школи у Францускей републики. По тим плану дзеци би не шмели у школах ніч чуц и учиц о Богу. Француски католици протестую, а е не можу себе помочи, бо су не организовани и у парламенту немаю своїх людзох.

Зос наших валалох

Шид

„ОПШТИНСКИ ВИБЕРАНКИ У СРИМЕ“

Под тим насловом появела ше статя у наших Руских Новинах од 14. октобра ч. 40. (147.) як уводник, у котрей медзи иньшим стої и то написане: „Нерадо споминам, же проци народней а за Ердельову листу робели и таки особи, цо су у першим шоре поволани, да чуваю згоду и едноц медзи народом. Чи таке поступоване може буц на хасен нашому народу?“ — Же би ше тота цала ствар лепше зрозумела, треба напомиуц слїдующе:

Тота Народна руска листа у Шиду, котру Илько К. тельо хвалел, випатра як соціялистичка листа, бо ше так може по праву заключовац по єй носиоцох, а и дзекотрих других кандидатох на ней. Же то стої, видзи ше и зос того, бо кед листа уж була готова и зложена, теди носилац тей листи на сами дзень державних виберанкох вечар не мал мудрейшей роботи, але явно у нашей школи ше хвалї, як нешкаль мудри людзе до вири ніч не тримаю, а ні до церкви, так и вон до вири ніч не трима и не дзба за ню, же вира приватна ствар и т. д. цала бешета му була против вири, акуратно так, як го — соціалистички водьове нау-

чели. А же вон то и зос животом своим потвердзуе, то каждеме познато!

Дзе бул тераз н. Илько К. же не станул, и того „розумного и просвитного“ чловека не виправел, або кед у тот час там не бул, чом познейше о тим дацо не прегварел!

Питаю я шицких чесних читательох наших Р. Новинах, чи добри Християнин и Русин може одобриц тоту листу, и за ню гласац? Да таки чловека будзе валалски одборник и вода Руского народу у Шиду!

На то н. Илько К. и лично бул упозорени, па чом не пристал, да ше меня листа, да за носиоца прїдзе друга особа? Бо ше бал, же би за носиоца, або голем дораз за нїм пришол Ерделї, а то „велька любов гу“ едноци и згоди Руснакох не допуцуе.

Нїхто не розрива руску едноц медзи народом, але на виру и Церкву рубац нікому ше нешме допуциц.

— И прето, и лем прето зробела ше друга листа, при котрей ше мерковало, да особено на перши мста приду шорови людзе, не патраци на то, якей вони политической странки. Же ипак гевта перша листа мала векши успех, причина є у першим шоре велька мержня при велїх на Ерделя, а вец велька агитация зос другой страни.

О. Г. Бесерминї, парох.

Читайце „Руски Новини“

гевтот йойчи: Води . . . води . . . бо згорим. Тераз ше пребудзела у Вашому синови його предобра душа. Забул на шицко цо му Яким зробел, несцел нїзач друге знац лем то, же треба Якимови води принєсц. Але вода була на опасним месце. Требало ше спред носа неприятельового прецагнуц.

Кирил не оклевал. Удало му ше за руку да дойде до води. Але кед ше врацал, обачела го стража неприятеля и почала штреляц. Добил до ноги, зодарло му лїцо, але вон сцекал — з воду. Кед бул недалеко спаднул, бо добил и медзи ребра. Зос вельку муку прицаг ше гу Якимови и дал му воду. Кед гевтот видзел доброту Кирилову скричал: „Опросц ми брате! поведз ми, же ми опросциш и здрави будз за... за... воду...“ Попил во-

ду и доцаг ше до Кирила: „Кириле опросц, поведз, же опросциш!“ А Кирил лем цо отворел очи и прегварел: „Опросцим, по . . . по . . . здра . . . ав ми оц . . . а“ — заш замер.

Кед их нашо катонаци нашли бул Яким мертви а Ваш син ище жил. Пренєсли го до шпиталю, але умар за даскельо днї. Мирно през болю, през муку. Плакали за нїм шицки, хтори го познали, бо го любели, кед и вон шицких любел.

Неплацце, бо вон умар як прави вояк.

Помодлїце ше частейше за його душу. Збогом.

V.

Звершела ше свитска война. Велї млади животи погинули у найлепшому квицу свойого живота.

Велї дзивки остали през млодийох. Кажда свойого жаловала, а шицки — Ки-

рила, бо бул наисце красни, и добри легинь. Вечари а вечари знали прешедзиц, под широку ліпу.

И док ше мешачок дзвигал вше више, и више, и док ше витрик розгварял зос ліповим лїсцом, дотля дзивки шпивали писню о легиньови Кирилови:

Кед Кирил одходзел,
Небо з' нїм плакало,
Бо воно барз, пр-барз
За нїм жаловало.

Плакали з нїм гори,
Плакали и леси,
Бо з милим Кирилом,
Нестало им краси.

Нестало нам краси,
З нашого валала,
Бо тебе Кирила,
Чарна шмерц вжала

Чарна шмерц го вжала,
Там у цудзим шведе.

Дзе небул хто зложиц,
На гробок му квеце.

На гробок му квеце,
На крижик виночок,
Бо през крижа умар,
Прекрасни Кирилчок

Покойни Кирилчок,
Умар през паноца,
Умар таки млади,
И зармуцел оца.

Зармуцел вон оца,
И єдну дзивочку,
З нашого валала,
Чапкову Юлочку.

Плакала Ю очка,
Под зламану грану,
Але Кирил не пришол,
Да єй лїчи рану.

* * *

Кед уш слунко шедло,
Ище заплакану,
Видзел мешац Юлку,
Под вербову грану.

ОД РЕДАКЦИЈИ: О теј ствари вецей не будземе ніч приношовац, бо зме прешведчени, же и наш чесни пріятели п. Яков Ерделі, чийо народлюбіе шицким познате, як и нови одборници буду шем старац за добро руского народу и його хасен заступовац. Винчуеме им!

Миклошевци

† МИТРО СИВЧ

В недзелю 23. того мешаца умар зоз трагичну шмерцу у найвекших муках Митро Сивч. — Покойни жил у неприятельству зоз Николом Михайловичем. Николов брат Лука гледал згоду, да ше Митрови вимсци. Згода ше му трафела в соботу вечар 22. того мешаца, кед Митро

ишол ноцовац до шестри Марї, хтора була при шестри у Беркасове. На угел школи наишол Митро на друштво; зоз хторим ше дал до бешеди. То осетел Лука, приближел ше Митрови споза хрифта и зацал му шекеру до глави. Присутни брат Митров Силво, полицај, однесол Митра дому.

Руски народ у нїм траци свидомого Русина, миклошевчане точного и вредного чловека, Руске Народне Просвитне Друштво члена, Шпивацки хор доброго шпивака, парохия доброго вирника.

Зохабя уквилєну жену с двоїма дзецима. — При остатних општинских виберанках, избрани є до општинского одбору.

Вичная память!

Зос Р. Н. П. Д.

На Дюрдьовски кирбай назберало ше у церкви за Р. Н. П. Д. 480 дин.

Чесни наш п. Андрей Малацко зос Барбетону послал на Руску просвиту 5 долари и 50 центи. Сердечне дзекуеме. На мно-

гая літа!

Так исто послал и чесни Михал Чизмар, ковач зос Веланду у Канади 4 долари. Шицким нашим трудбеником на просвитним полю сердечно дзекуеме. Най их Бог жіє на многая!

Допис

Welland, Ont. 30./IX. 1927.
ВСЕЧЕСНИ ПАНЕ!

Посилам на нашу Просвиту 4 долари и дзекуем Вам у задовольству моїм и барз ми мило, кед ме кажди тидзень приду привитац нашо мили „Руски Новини“, у цудзим краю. Вони ме цеша, бо чуем о моїм милых дому и о наших валалох. Вони ми принєшу отпочивок з добру дзеку и радосц, аж окрипя ме у моїх чешких дневних роботах. Забувам шицки чешкосци и вечерами думам на мой родзени край. Гоч як зме далеко по швецє, уж впаздзи нас ест, а вони каждого Руснака найду. Чул сом дакого док сом бул у старим краю, же гварел кед ше читало у

наших новинох за наш Керестур и за нашо валали, ша ми о тим знаме як зме були у водици або хто служел Службу на кирбай, або як и тераз цо ше кончело, кед були мисіонаре, але таки най пребача, цо им повем: Ми хтори зме у ширим швецє знаме ценїц, же яка то благодат за еден народ кед ма своїю повинки, бо и нашо людзе у далеким швецє о тим знаю и маметаю а вец на своїо родне глїздо думам и любля го и цеша ше. Нашо повинки шицких нас доведна звазуо.

Поздравлям Вас и шицких наших крайнох з Богом до видзєня.

Михал Чизмар, ковач.

Вшелїячина

ЖЕНСКА УПРАВА

Новини пишу, же у польским валале Гвиздець при валалских виберанках организовали ше жени и самостойно виступели. Так доста и шицки места у валалскей управі.

ДРЕВО — КАТ.

У централней Африки рошиє древо на мєно „Nirrotape mapcinella“, котра воцаю „дрєво шмерци“. Його запах так, же чловец накеди сце при нїм одпочинуц траци свою свидомосц

и умре. Тамтейшим людзом служи древо на место ката. Кед дакого одсудза на шмерц лєм го принєшу под тото древо и вон за даскельо минути умре. Древо адаба на нашо хрушки а ма плод як яблєко. Випатра барз красне але є барз отровне.

ВОЕНА СЛУЖБА У ТУРСКОЙ

Турски парламент одредзел, же кажди, хто несце служуц при катонацтву може ше откупивц и заплациц 600 турских

фунти. Кажди, котри заплаци тоту таксу будзе служиц лєм 6 мешаца.

ПРОЦИВ КАШЛЮ

добре вжац лимунов сок помшани зос домашнім медом. Исто так ублага кашель ліпов теј зос медом. За дзеци треба растопиц на огню даскельо ложки домашнього меду и дац им так цело по мали пиц.

КЕЛО НА ЖЕМИ МОЖЕ ВІЖИЦ ЛЮДЗОХ

Професор у Берлину Албер Пенк вираховал, же би нажем могла виравиц осем мільярди людзох а тераз ест 1800 мільони особи. За Европгвари, же вона уж тераз чжеко витримує своїх жителю, бо у Европи ше находзи 4 мільони людзох а вона мож витримац найвецей 560 мільо-

Шветочни отпочивок

Недз. 20 по Сош.

Лук. гл. 7. Зац. 30.

Во время оно, идяше Исусъ въ градъ нарицаемый Наинъ: и съ нимъ идяху ученици его мнози и народъ многъ. Якоже приближися къ вратомъ града, и се изношаху умерша, сына единородна матери своей, и та бѣ вдова: и народъ от града, многъ съ нею. И видѣвъ ю Господь, милосердова о ней, и рече ей: не плачи. И приступль коснуся одра, носящїи же сташа, и рече: юноше, тебѣ глаголю, востани! И съде мертвый, и начатъ глаголати: и даде его матери его. Прїягъ же страхъ всѣхъ, и славляху Бога глаголюще: яко пророкъ велїи воста въ насъ и яко посѣти Богъ людей своихъ.

На плач бидней гдовици — мацери рушело ше Шерцо Исусово и влацело живот мертвому сину. Кельо вецей милосердія ма тото шерцо гу тим людзом, цо не дзбаю за нїчим, лєм едно патра, да сполня волю божу и да служба Христу Богу у теј служби, на яку их поволал. Тих шицких, цо их Господ „призвал благодатию своею“, як гутори нешка у Апостолу св. апостол Павло, а вони пристали на поволанку божу и дали ше на службу божу, кажли у своім стану, — тих Боже Христово Шерцо най баржей люби и помага их.

Превельку награду г. й. свою благодат, свою помоц милосердіє обецує Бог Г. Наш Исус Христос шицким душом, цо послухаю глас поволанки Йго и пойду за нїм до Його св. служби. Кед раз Петро гварел Спасителю: „Се ми оставихом вся, и во слїд Тебе идохом:“ цо нам дан, а Христос торжествено одповед Петрови: „Аминь, аминь, глаголю вам, Никтоже ест, иже оставл ест дом, или братїю, или сестри или отца, или матер, или жену, или чада, или села мене ради и Евангелїя ради: аще не примет сторицею нине во время сїе и во вик грядущи. Марко 10., 29.

Слово Христово стої твардо, твардейше од цалого швета. Воно даклем добре стої, же Бог поможе шицким, цо Му

служба всею дишею и всецем.

Чловеку, котри не послуш поволанє боже, грожи сил погибель, же на вики стра Бога, бо лєм тот го находхто го гледа, и идзе за глас поволаня божого, а хто шлїдзи за нїм лєхко заблудна драже вичного спасенє, не учує тот глас нїгда вец и так ше страци у вичней ппасци. Тим, цо не сцу слуна глас божи, лєхко ше птрафи того, цо Исус Живгварел: взицете мене и обряцете.“ Будзеце ме велгледац, але ме не найдзеце.

На концу, на тим швецє не годно уцєсциц чловека: сполньованє служби Боги своей у стану, на яку Бог чнека поволал. То знаю дрбожо зос искуєтвїя, як то еко и лєхко чловеку при дуи у чешких бригах живота, чловец свидоми, же сполня волю божу и служи Богу, як Вон наказує. Ту мамє пклад премудрого Соломохтори мал згоду випробовсласти живота, па на келпризвал „же нет щєсна за двєка, крем Бога любяц и Иединому служиц. Призвал прєславни отец наш Августхтори не нашол покою док не вїшол у Христу службу свою: Не мирє шерцо на док ше не спокїо у тебе, Бог М. Мудрє

Нашо претплатнї:

На 1917. рок уплац предплату слїдующи п.

Андри Штрангар, Р. Керестур 100 дин. Міке Чмар, Канада 200 дин. И на Павлович, Темерин 50 дин. Ана Надь, Р. Керестур 50 дин. Василь К Р. Керестур 50 дин. Д Шовш, Р. Керестур 50 Андри Надь, Р. Керестур 100 дин. Петро Оло Дюрдьов 50 дин. Ми Надьбандурнк, Р. Керестур 50 дин. Лука Сабад Дюрдьов 100 дин.

БЕРЗА

Берлин 1 злата марка	13.
Будим. 1 пенги (pengb)	9.
Италия 100 лира	316.
Букарест 100 лей	34.
Лондон 1 фунд. штер.	276.
Нью-Йорк 1 доллар	56.
Париз 100 франки	224.
Праг 100 Чес. кр.	168.
Акциї З. К. Б. Д. Д.	3.

